

Met mi auchea ren kuttan angang

Met kewe mi auchea ren kuttan angang a pwan poputa sefan.

Pokiten ren osukosuken COVID-19, ewe Kepina, mi pwan pesepes me ren ekewe menun non ewe enepung ika nesineicher, ra ekeunoi met mi auchea ren kuttan angang nepoputan osukosuken ewe semwen. Pokiten a euchuo ewe pekin ikonomi, met mi auchea ren kuttan angang a pwan poputa sefan. Wewen pwe kopwe kut om angang me maketiu esap kis seni unungat pekin angang ke fori angangen ren om appnai ngeni non ew wik ren om kopwe tongeni ne chok sopweno ne nounou monien aninisin esor om angang.

Inet mi auchea ren kuttan angang a pwan poputa sefan?

Poputani om angangen kutta fetani pekin angang non wiken July 4-July 10.

Esinesin ren met ke fori poputa non ewe wik July 11, me iteiten wik en mi aneanei aninis me murin ena.

Non ei peich.

- [Tetenitiwen foforun kuttan angang](#)
- [Kapas eis kich mi sou eis](#)
- [Kutta aninis ren ifa usun om kopwe kut om angang](#)

Tetenitiwen foforun kuttan angang

Fori pwe kuttan angang epwe anisuk

Ei chart fan mi pachenong tetenitiwen met mi keprunguno ren met kopwe fori ren kuttan angang. Kopwe awesi unungat non ew wiki ka pwe en mi akangeni aninis seni pekin insurense ren esor om angang ika PEUC (Pandemic Emergency Unemployment Compensation, Atepwanepwane Aninisin Ese wor Angang non ei Semauter) ren om kopwe tongeni chok sopweino ren om kopwe angei aninis. Kopwe awesano ew mokutukut mi keprunguno ika pwe en mi akangei PUA (Pandemic Unemployment Assistance, Aninisin Ese wor angang non ei Semaute), nge ren wesewesen pungun, sia mochen kopwe awesano unungat.

Kich mi awateino met kei kopwe fori ren an epwe anisi foforun om kuttan angang – me ngonuk sokopaten met kopwe fori non ukukun om tongeni!

Pekin angang non unusan ei state ra suuk, iwe met pekin ke sinei non me ian ke kan angang ian, e forata mecheresin om kopwe kut angang me anisi om kopwe ani ew angang ke wesen sani.

Met sokkun fofor	Met kuttan angang mi keprungono	Met sokkun ekiek ren om kopwe maakeitiw porausen	Mi keprungono ren Sopowoponon angei aninis*
Met om mokutukut ngeni ew nenien angang	Met om mokutukut ngeni ew nenien angang (taropwen amasou ngei angang, porausan ifa usun repwe kapa seis, kapas eis ren ika kopwe tongeni ani ewe angang, echemwirin poraus)	Met wisom non om angang ika nampaom, iten ewe nenien angang, poraus ren ifa usun om churi (non fofoun aramas, online, tenefon, email, ika ekoch) ekewe nenien angang me poraus auchean ren ifa usun ach sipwe churir.	X
WorkSource	Fori ew akoun on WorkSourceWa.com	Fichi sasingan om akkoun peich on chok noum na fon.	
WorkSource	Uploadini noum na resimei non WorkSourceWA.com me fori pwe epwe mecheres an pekin angang repwe kuna.	Fichi sasingan on noum na fon ika for kapin noum na resimei	
WorkSource	Fiti non fofoun aramas ika on kamputer workshop mi katou seni WorkSource	Iten ewe workshop, pwinin maram, inet, me e fis ian	
WorkSource	Fiti non fofoun aramas ika on kamputer ren nenien kuten angang ika ia e fis kutan angang ian mi katou seni WorkSource me churi esap kis seni ew pekin angang.	Iten met we e fis, pwinin maram me poraus ren ian me ifa usun om fiti, iten ewe pekin angang	
WorkSource	Fiti ew mwichen pekin angang mi katou seni WorkSource	Iten ewe mwich, pwinin maram, me ifa ika ian ke fiti ia	
WorkSource	Fiti RESEA (Reemployment Services and Eligibility Assessment, Aninisin Angang sefan me Chechekin Nafen) ren poputan	Iten met we e fis, pwinin maram, me ian ika ifa usun an wesino	

	ika echemwiri ne churi sefanir me murin ren apoinmen.	
WorkSource	Fiti pekin sokopaten angang mi katou seni WorkSource	Iten met we e fis, pwinin maram, me ian we ika ifa usun om fiti (on kamputer ika non fougoun aramas)
WorkSource	Churi chon angangen WorkSource ika chon aninis ren met sokun angang ke mochen ren om kopwe kaeo usun aninis ren Title I.	Iten met we e fis, pwinin maram, me ian ika ifa usun an wesino
WorkSource	Tonong non WIOA Title I-B prokram me forata ew Individual Employment Plan	Iten met we e fis, pwinin maram, me ian ika ifa usun an wesino
WorkSource	Tonong non WIOA Title I-B prokram me angei esap kis seni ew pekin epwe mes ngeni met sokkun angang ke mochen ren fiti monetan Workforce, sinei pekin moni ika mochomochan kaeo ngeni angangen.	Iten met we e fis, pwinin maram, me ian ika ifa usun an wesino
WorkSource	Fiti WIOA Title I-B ren chon angang ar kaeo ngeni	Iten met we e fis, pwinin maram, me ian ika ifa usun an wesino
WorkSource	Fiti WIOA Title I-B kamo ika ese kamo ren met en mi sinei non angang ika om fiti ne kaeo ngeni	Iten met we e fis, pwinin maram, me ian ika ifa usun an wesino
WorkSource	Fiti WIOA Title I-B ren fori anganen on pau	Iten met we e fis, pwinin maram, me ian e wesino me ia
Ekoch	Fori anganen kut angang non esd.wa.gov/labormarketinfo	Fori anen mecheres ngeni ika pwisin fichi poraus on noum na fon
Ekoch	Katon video online, awawe ren Youtube video, ren kutan menapen ew angang (awewe: ifa usun om makei ew cover	Fori anen mecheres ngei ewe video ika pwisin fichi sasingan on noum na fon

	letter, maken resimei ika ifa usun kopwe ponueni kapas eis atun om interview)	ikewe ewe video epwe fich me ian.
Ekoch	Amonata ew 30-seken “elevator speech” ren om kopwe eaea non nenien kutan angang ika atun om interview	Pwisin fichi on noum fon ika fori angangen pwe epwe om pisekin pwarata
Ekoch	Forata ew minefon akoun ika wanong chok minefon poraus ren om we akoun on ekewe nenien kuten angang (Indeed, LinkedIn, Glassdoor, CareerBuilder, Monster, Google Careers, ika ekoch) me kuta angang mi suk	Fori anen mecheres ngeni ika pwisin fichi on noum fon ren om profile me angang mi suk
Ekoch	Forata ew akoun ka postinanong om resimei me cover letter on online job search applications (Job Scan, Bright Move, Hiring Solved, ika ekoch)	Fori anen mecheres ngeni ika pwisin fichi ewe peich e pwarata om awesieno ne forata ew akoun me ewe pekin angang e suk
Ekoch	Makeitiw itom ren om mochen aninis seni ekewe ra sinenap non kuten angang	Fori anen mecheres ngeni ika pwisin fichi on noum fon ewe etipew
Ekoch	Rgisterini ren ew pekin nenien enenia chon angang, chon kutten chon mochen angang, ika headhunter service.	Pwisin fich chok on noum na fon ewe peich ren om pisekin pwarata pwe ka fen wes ne register.
Ekoch	Fiti pekin kutan angang non sokopaten nenien kuten angang on kamputer ika pekn kaeo ngeni angang e katou seni ekewe pekin ra eninis ren enenia chon angang	Fori anen mecheres ngeni ika pwisin fichi sasingan ewe peich ren pisekin pwarata pwe ka awesano.
Ekoch	Fiti non fougoun aramas ika online/kamputer ren pekin kuten chon angang ika ew mokutukut ren kuten chon angang iwe churi esap kis seni ew pekin angang.	Taropwen register ika email seni ekewe chon anisi chon kutten angang; pekin angang ika iten ewe pekin angang, poraus ren X

		ifa usun om churir (non foufoun armas, online, fon, email, ik ekoch) an ewe pekin angang ika poraus ren ifa usun ach sipwe churir.	
Ekoch	Efitifiti pekin angang on kamputer ika ikewe e fis ia.	Kapin taropwe ika email seni ewe aramas ika efitifiti. Ika pwe efitifiti amon non angang faniten ew pekin angang mi suk, mi tongeni anea pwe en mi churi ew pekin angang ren awatenon aninis.	X
Ekoch	Fiti mwichen pekin kutan angang ren ekoch chok ika unusenapen chon ewe neni.	Taropwe ika email seni meinapen ewe mwich ika io pekin a katou seni.	
Ekoch	Fiti OJT (on-the-job training, kaeon nupwen non angang) ren ekoch chok.	Iten ewe kompeni, met soken pikin angang me fororun me ian ika ifa usun an wesino. Ika pwe efitifiti emon non angang ren fanitenin ew pekin angang mi suk, mi tongeni anea pwe ka churi ew pekin angang ren kenapenon aninis	X
Ekoch	Awesi online ew tetenin met ke sani (awewe., Strong, My Next Move, Myers/Briggs)	Fori anenn mecheresin ika pwisin fichi sasingan on noum fon met e fis	
Ekoch	Awesi ACT WorkKeys assessment	Fori anenn mecheresin ika	

		pwisin fichi sasingan on noum fon met e fis
Ekoch	Angei ew National Work Readiness Credential	Pwisin fichi on noum fon ika skanini kapin noum setifiket
Ekoch	Fiti met foforon angang ke sineeoch non ika kaeo ngeni pekin on kamputer	Pwisin fichi on noum fon ika kapin risiten noum registration
Ekoch	Angei sukunen pekin sinei kamputer	Pwisin fichi on noum fon ika kapin risiten noum registration
Ekoch	Fiti sukun kaeo pekin fosun ESL (English as a Second Language, Merika ren Second Language)	Iten, pwinin maram me ian, fichi on noum fon ika skanini ewe risiten registration.
Ekoch	Fiti an Linkedin Learning certified courses, ika pekin kaeo ngeni online mi wewe ngeni met we ke kaeo ngeni mi tongeni uaou taropwen ika certificate ren om awesi.	Fori anen mecheres ika pwisin fichi on noum fon ewe peich e pwarata pwe ka awesi
Ekoch	Fiti pekin angang mi kamo ika ese kamo e fis ekis ren epwe wor om sinei me pekin kaeo ngeni	Taropwe ika email seni ewe pekin angang
Pwisin angang ngeni om pisnis/ika chon mi wor ar pisnis kena CHOK	Advertisini omw pisinis ngeni minefon kastomer ika ekoch kopwe nounir kastomer.	Fori anen mecheres ngeni ika pwisin fichi on noum fon om we advertais (digital, simpung, me ekewe nenien kukunou online, etc.)
Pwisin angang ngeni om pisnis/ika chon mi wor	Beddin won angang.	Kapin ika sasingen ewe proposal ke uwanong ren ewe bed.

**ar pisnis
kena CHOK**

**Pwisin
angang
ngeni om
pisnis/ika
chon mi wor
ar pisnis
kena CHOK**

Churi iokan kopwe nounir kastomer ika ekewe en mi pin nounir me mwan

Iten, pwinin maram ke churi ika poraus ren tongeni churi (email ika nampan fon) ren io we ke churi.

**Pwisin
angang
ngeni om
pisnis/ika
chon mi wor
ar pisnis
kena CHOK**

Fiti ew mwichen online ika ew mwich ren an epwe wateno sineom ren pekin pisnis ika kaeo ngeni minefon pekin amomo.

Taropwen register ika email e pwarata om fiti, ika taropwen setifiket ren om fiti ew mwich non foufoun aramas ika online.

**Pwisin
angang
ngeni om
pisnis/ika
chon mi wor
ar pisnis
kena CHOK**

Eaea aninis ren pisnis mi kukun, ika churi ekewe chon angangen non SBDC (Small Business Development Center, Foforieochun Bisinis mi Kukun). (Awewe, eaea aninis non websites ren www.business.wa.gov or www.sba.gov.)

Pwisin fichi sasingan on noum fon ren an epwe pwarata om feino ngeni ika om tonong non ew nenien aninis ren kukunun pisnis.

Iten me porausen tongeni churi ewe chon angangen SBDC.

**Pwisin
angang
ngeni om
pisnis/ika
chon mi wor
ar pisnis
kena CHOK**

Ekoch mokutukut e pwarata fetanin me met ke fofori ren om fori om we pisnis.

Pwisin fichi on noum fon ika sasingan minefon noum naisen seni Department of Licensing ika naisinen om tongeni pisnis ren ewe Department of Revenue.

Iten me poraus ren churi ewe aramas a anisuk ren om we

loan ren om
pisiin.

Pwisin fichi on
noum fon fiti time
epwe afat ren
minefon poraus on
om we business
website.

Pwisin fichi on
noum fon ren ew
mokutukut pekin
angang ke fiti ika
uoau.

* Ewe EB (Extended Benefits, Atamenon Aninis) program e mutata epwe tori 20 kapachetan wiken aninis nge epwe fiti tichik ren met epwe fis ren kутten angang. Ekewe mokutukut mi chek non ewe table wewen pwe EB epwe tichik ren tumunun met ren kутten angang EB iei ese kawor me non Washington state.

Kuttan angang apas Eis ra eis iteiten

Ngang mi angei PUA. Met mi eoch upwe kut fetan ei angang?

Ewer. Mi auchea kopwe awesi esap kukun seni ew kutan angang mi mumuta, inamo ika en mi nom on PUA. Kich mi wesen peseok om kopwe awesi esap kis seni unungat mokutukut popun:

- **Aninisin PUA epwe much nepoputan September 2021.** Achocho ne kut fetan angang me mwen ena atun epwe anisi me mwen aninikum epwe noa senuk.
- **Epwe epeti met osukosuk mwach kan.** Ika pwe mi auchea sipwe katon sefan om kleim, me kuta ekewe wik a noa en mi nounou aninisin ese wor om angang nge esap PUA, awesieno kutan unungat angang epwe aponueta met mi auchea epwe fis ren aninisin ese wor om angang me epwe epeti osukosuk me nununon aninis mi toruk non ekewe wik a noa. Ren tichikin porausan ren pweta sipwe cheki sefani om kleim ren [Potential new claim alert](#) peich on ach website (non fosun merika).

Use tongeni angang pun mi mecheres an epwe uriei semwenin COVID-19. Met mi chuen chok auchea ai upwe awesano ewe angangen kut fetan angang?

Ewer. Ika pwe esor om angang, annuk mi afata pwe kopwe awesano ewe angangen kut fetan angang ren om kopwe chok sopweno ne angei aninis.

- Chechemeni chok pwe mi chomong mokutukut mi tongeni wesino ren mettoch meinisin.

- En mi pwan tongeni katon fetan ren met pekin angang epwe wes ren om chok nom non imw.

Ngang mi angei PEUC. Met kuttan angang mi auchea epwe fis mi sokona ngeni ei?

Apw. Met mi auchea epwe fis ren kutan om angang mi pwan chok wewe ngeni ekewe ir nom on aninisin insurance ren esor ar angang. Kopwe awesano esap kis seni unungat kuttan angang mi mumuta non ew wik ren om kopwe chok tongeni sopoulosona ne angei aninis.

Ngang u pwisin angang ngei ei pisnis/ika mi wo rei pwisin pisnis. Met mi cheun chok auchea ai upwe awesano mokutukutun kuttan angang?

Ewer. Annuk mi afata pwe kopwe awesano mokutukuten kuttan angang ren om kopwe chok sopweino ne angei aninisi. Ika pwe en mi angei PUA, mi auchea kopwe awesano esap kis seni ew. Ika pwe en mi angei aninisin ese wor om angang mi auchea kopwe awesano esap kis seni unungat.

Unungat mettoch kopwe sinei:

1. Napengeni mokutukut ese pachenong amasou ngeni angang ngeni ekoch chon awora angang.
2. Kich mi apechata met mi punguno ren mokutukut ren chok ekewe ir mi pusin angang ngeni ar pisnis me ekewe mi wor ar pisnis ren an epwe ponueta met kewe mi auchea epwe mes ngonuk.
3. En mi tongeni awesano met kewe mokutukut mi mumuta ren an epwe ponueta met kewe mi auchea kopwe fori. Kosap chok fori met kewe mi mumuta ren ekewe ir mi pusin angang ngeni ika pusin or ar pisnis.

Ngang ukan chok angang part-time pokiten ei osukusuken semwen. Met mi auchea ai upwe kut fetan ai angang ren ai upwe angei aninisin ese wo rei angang?

Ewer. Mi auchea kopwe kuta ew angang mi fulltime, inamo ika mi wor om angang mi part-time.

Ngang mi tumunu emon iwe use tongeni angang. Met mi auchea ai upwe kut fetan ai angang ren ai upwe angei aninisin ese wo rei angang?

Ewer. Kopwe chok sopweino ne epwenueta met mi auchea ren om kuttan angang ren om kopwe chok tongeni nounou aninisin ese wor om angang, inamo ika en mi tutumunu emon. Ei mi pachenong semirit rese fiti sukun ika nom non nenien tumunun semirit ren ei osukusuken semwen.

En mi angei aninisin Paid Family and Medical Leave? Ei prokram mi sokono seni insurense ren om kese angang me mi pwan sokona met mi auchea epwe fis ren. Ika pwe en mi angei Paid Family and Medical Leave pokiten en mi mo kouno seni angang me tumunu emon chon om famine mi osukusuken semwen ika feiangaw, met kewe mi auchea ren kuttan angang ese pwan auchea ngonuk kopwe fori. Tota won paidleave.wa.gov (non fosun Merika) ren tichikin poraus usun ena

prokram. Kose tongeni angei ir me ruu ren aninisin ese wor om angang me Paid Family and Medical Leave non ew chok fansoum.

Mi wor ew angang re ngeni ei nge use tongeni angang tori murin ai aponueta met kewe mi auchea ren kutten angang a pwan pechekun sefan. Mi chen chok auchea ai upwe kut fetan angang ren ai upwe angei aninisin ese wor ai angang me mwen upwe poputani ew minefon angang?

Apw, nge mi eoch kopwe amasou ngeni ren pekin ewitiwit ika standby. Ewitiwit e mut ngonuk om kopwe sopweino ne angei aninis inamo ika kese kut fetan angang, non anein fansoun mi wor mumutan pweta kesap fori. Ren tichikin poraus ren Ewitiwit (standby) on ewe [Temporary layoffs, standby and furloughs page](#) on ach website (non fosun merika).

Ngang mi amasou ngeni Ewitiwit ika standby nepoputan ei ier ika mwen ei osukosuken semwen nupwen kutten angang ese pwan auchea. Mi auchea ai upwe uwanong ew minefon apinikachon ren Ewitiwit nupwen met kewe mi auchea epwe fis a pwan poputa sefan?

Tungoren ewitiwit e fis me mwen ei osukosuken semwen ese chuen wor manamanin. En ika om we pwe pekin angang ese pwan auchea ami oupwe tongor sefan ren ewitiwit iei ew pechekunen poraus a katou ren kamorenan kutten angang epwe wor pechekunen non July 4, 2021. Ren tichikin poraus ren ifa usun ei epwe fis on ewe [Temporary layoffs, standby and furloughs](#) peich ren ach we website (non fosun Merika).

Met kewe mi auchea epwe fis ren an emon epwe tongeni claimin ren aninisin rese angang?

Nupwen claimin aninisin rese angang, kopwe:

- Tongeni ne angang.
- Moneta ren kopwe angang.
- Achocho ne kutta angang kopwe tongeni, chinon chok ika si urenuk kesap.
- Makei itom ren angang ren ofesin WorkSource ika ofesin pekin angang ren ia ke nom ia (ika pw eke nom nukun Washington).

Nupwen en mi akangei aninisin ese wor om angang, kopwe kut fetan angang en mi tongei ani me isoni recordin om kut fetan angang ren om kopwe chok sopesopono ne angei aninis. Mi auchea kopwe maketiwi ukukun unungat kutten angang non ew wik. En mi tongeni makeitiwi ekei poraus online nupwen om fileni om claim non iteiten wiki ka en mi tongei eaea ach [paper job search log](#) (non fosun Merika), ika pwe ke file on fon. WorkSource mi wor an prokram me pekin aninis mi tongeni anisuk om kopwe muttir niwiniti angang.

Mi wesewesen auchea kopwe weweiti met wisom nupwen om fori me pwaratan om kut fetan angang ren an esap wor mwanino mi tongeni om kopwe men sefani met aninis re men ngonuk.

Ngang mi tongeni fori met kewe ukan fofori nap seni ew me fori pwe epwe anea ren fite sokun foforon kutten angang?

Apw. Kese tongeni fori sefani nap seni ew met kewe ka pin fori ren an epwe anea. Awewe:

- Kose tongeni kopwe katon ewe video fan chomong, ika amasou ngeni ew angang fan chomong, me fori owe epwe anea.
- En mi tongeni katon sokopaten video mi mes ngeni om kutten angang non ewe chok wik (awewe, ew ren eisin kapa seis ren met mi eoch epwe fis iwe ew ren ifa maken om resimei), ika amasou ngeni sokopaten angang non ew chok kompeni, iwe fori pwe ew me ew ekewe taropwen amasou epwe anea.

Mi auche kopwe makei itom ren ewe ofesin WorkSource ika American Job Center?

Ika pwe ke nom non Washington, en mi chok automatic om register ren angang non Washington State seni ewe ofesin WorkSource nupwen om filenei noum taropwen kose angang. Met ei epwe fis e anongonong on om zip code. Ika pwe ke nom nukun Washington, kopwe makei itom non ew ofesin American Job Center non ew wik seni ewe pwinin maram ke aewin angei noum aninis seni ofesin unemployment. Ika pwe ke akom fileni ren aninis non Washington iwe ka mokut ngeni ekis non Merika ika Canada me sotosopono ne aponueta met kewe epwe fis ren om kopwe angei aninis, en kopwe chok sopweno ne angei aninis. Kopwe kut fetan angang me makei itom ren angang ren ian ke nom ia. Noa ngeni [WorkSourceWa.com](https://www.worksource.wa.com) (non fosun merika) ren om kopwe kuta ofesin WorkSource e arap ngonuk.

Met upwe fori ika uwa tou seni ew state?

Ika pwe ke nom non ew state ika mokut ngeni ew minefon neni, kopwe chok makei itom ren angang ren ofesin American Job Center non ew wik seni ewe pwinin maram ke aewin angei noum aninis seni om minefon ika suk-sefan claim. En tongeni kutta ew ofesin American Job Center ren om eaea ei website [servicelocator.org](https://www.servicelocator.org) (non fosun merika). Fan ekoch fansoun en mi tongeni makei itom online. Churi ika kokori ofesin non ia ke nom ia ren om kopwe sinei ifa usun om kopwe awesano ewe angangen register ika makei itom.

Ika pwe kese makei itom ren angang, esap wor aninis epwe toruk non ekewe wik kese makei makei itom.

Epwe ifa usun ika uwa tou seni Merika?

Ika pwe en mi nom nukun Merika, Puerto Rico, ika U.S Virgin Islands, kopwe chok sopwe ne kut angang online ika non foufoun aramas ika pwe mi wor mumutan om tongeni angang on ewe fonu ka nonom ia.

Ika pwe kese tongeni mwittir ne niwiniti Merika, Puerto Rico, ika U.S Virgin Islands ren om kopwe sopweino ne angang pokiten a wor angang ra ngonuk, en mi pwan tongeni kut angang non ekei neni.

Mi wor met chinon ren met epwe fis ren kuttan angang?

Ewer, nge mi chok wor ne keukun non ekoch wewe. Napengeni meinisin – pachenong chon angei aninisin PUA – repwe kut angang ir mi tongeni ani. Chinon chok ika:

- Sia mutata pwe kopwene fiti ew pekin kaeo, ren Commissioner Approved Training ika Training Benefits.
- Sia mutat pwe kopwe fiti SharedWork.
- Sia mutata pwe kopwene nom nein chon ewitiwit.
- Sia mutoketa ren Self-Employment Assistance Program (SEAP).
- Re tinukona seni ew union full-referral.
- En mi ekis angang (me mi mumuta seni ewe department).
- En emon mi fiti angangen me kaeon pekin fifi non ew pekin prokramen pekin kaeo ngeni.
- En mi kepunguno kopwe fiti sukun ren kinikinin ewe pekin kaeo ngeni ke fiti.
- En mi fiti strike ika lockout.

En mi auchea kopwe awesano ew kuttan angang ika pwe:

- **En mi angei aninisin PUA.** Nge sipwe chok fokkun finata pwe kopwe awesano unungat kuttan angang ika pwe en mi angei aninisin PUA. Katon ekei kapas eis usun PUA on ei peich ren tichikin poraus.
- **Noa seni angang pokiten osukosuken non neni ika an emon operuk.** Ika ewe department a ekiiki pwe ka noa seni angang ren met mi auchea ren en mi nom non osukosuken neniom ika an emon operuk, mi auchea kopwe chok awesieno ew kuttan angang mi mumuta non ew wik ren om kopwe chok sopesopono ne angei aninis.

Ekewe ekoch chon claim mi auchea repwe amesano esap kis seni unungat kuttan angang mi mumuta. Sipwe esinesin ngonuk ren met mi auchea ren om kuttan angang non ewe fansoun ka fileni noum claimen unemployment.

Poraus auchea: Ika pwe en emon seni pekin union mi nom on full-referral, kopwe kut angang ren om aponueta met mi auchea ren kuttan angang seni union. Wewen full-referral seni union pwe pekin union e tinano ir ekewe mi fiti ewe union ren ar repwe fiti angang.

Epwe ifa usun ai upwe sinei pwe mokutukuten kuttan angang a komorona?

Sipwe esinesin ngonuk non maken taropwe non ewe pekin ka mochen sipwe esinesin ngonuk non. Kopwe chok kut om angang chinon chok ika a wor esinesin ngonuk seni ei department pwe kesap chuen. Ika pwe mi auchea pwe kopwe kut om angang, kopwe apwonueta met mi auchea ren an Washington mokutukuten kuttan angang non ew wik ke fori tungoren aninis (chinon chok ika sia urenuk pwe kosap chuen).

Met wewen employer contact?

Nupwen eis usun ew pekin angang, kopwe fori meinisin met kewe fofor mi auchea ren om kopwe amasou ngeni ew pekin angang ren ewe churi epwe anea pwe ew foforun kuttan angang. Kopwe fori

ew employer contact nupwen om kapas eis usun ika amasou ngeni ew pekin angang. Ika pwe ka fen amasou ngeni, ika eis usun ew angang, me ka sinei pwe ewe pekin angang rese katonong ika etiwa taropwen amasou, en mi chok tongeni ne aneani om kapa seis pwe ew employer contact ika pwe kese sinei pwe ewe pekin angang rese suk ren katonong ika etiwa taropwen amasou ren angang. Kopwe makei met e fis non om maken kutan angang. En mi tongeni contactini ika churi ew pekin angang non:

- Email
- Fax
- Internet
- Mail
- Fon
- Churi non foun foun aramas
- Mwichen on kamputer ekewe pekin conference ren Skype, Zoom, etc.
- An ewe pekin angang pekin eaea ren aninis.

Ifa usun ai upwe fori me isoni ai kutten angang?

Ika pwe ke eaea eServices ren om kopwe wanong ika fori om claim iteiten wik, mi auchea kopwe fori kutten angang non eServices ren om kopwe tongeni angei aninis. Kopwe chok fiti met a eituk non eServices. Kich mi tongeni ach sipwe eisinuk ren om kopwe pwarata enetin om kutten angang, inamo ika ke wanong porausen om kutten angang ren om claim iteiten wik online non eServices, iwe kopwe mochen ne isoni mokutukuten om kutten angang. Ese pwan auchea om kopwe ngeni kich enetin ren met ke fori chinon chok ika si eis.

Ika pwe ke wanong om claim iteiten wik on fon, mi eoch kopwe isoni ew taropwen pwarata ren kutten om angang. Sia mochen kopwe eaea [job search log template](#) (non fosun Merika) kich mi aora, nge en mi tongeni katon fichi ren om mokutukuten kutten angang on met sokun taropwe kopwe finata. Ika pwe kopwe fori, epwe wor ekewe poraus mi auchea ren an epwe pwarata pwe en mi achocho ne kut fetan om angang. Kopwe pwar ngei kich ei taropwe ke maketi non ika pwe sia eis. Chechemeni chok pwe kich mi tongeni kekoruk ren pwaratan om kutten angang inamo ika ka keuno ne fori noum taropwen claim iteiten wik.

Eaea ei [job search log](#) (non fosun Merika) kich mi awora ren an esap recordini poraus ese unus. Kese mochen nounou pen mi chon ka afata om mak.

Met upwe uwanong nei taropwen kut fetan ai angang?

Apw, nge fan ekkoch sipwe tungor ach sipwe kuna. Kopwe isoni esap kis seni 30 ran murin nesapwonan ewe ier en mi angei aninis ika 30 ran murin kese chuen angei aninis, meni chok me murin. Ese pwan auchea kopwe tinato rech chinon chok ika sia tingor.

Kich mi kan fori cheken kutten angang ren ese nifinifin ren chok an epwe fat pun en mi kut fetan om angang. Ika pwe ka kefinita pwe sipwe katon ika mi wor ach kapas eis ren om kuttan angang, sipwe tungor kapin taropwen om kutten angang iwe kopwe watto usun met sa fen aiti ngonuk.

Kich mi tongeni ach sipwe tini ew taropwe ngonuk ren ach sipwe katon om foforun kutten angang ren an epwe fat pwe en mi kut fetan om angang, katon ika en mi chuen tongeni angei aninis me, ika mi tufich, anisuk ren if usun an epwe mecheres om kutten angang. Aneani fichi ewe taropwe ren kopwe sinei ika om interview on fon ika non fofoun aramas. Noum taropwen kutten angang epwe monota. Ika noum taropwe mi poutuno ika ese unus, ika kese fori pungun mokutukuten om kutten angang, iwe sipwe eukano katoun aninis ngonuk. Iwe kopwe meni sefani meinisin aninis mi katou ngonuk non ekewe wik kese aponueta om kutten angang.

Inamo ika en mi pwarata pwe en mi fori pungun met mi auchea ren kutten angang, kich mi tongeni finata ifa usun ach sipwe siwini mokutukuten om kutten angang ika euchueno om maketiw mokutukuten kutten angang. Kich mi pwan tongeni for pwan ew apoinmen ren chok ach sipwe kuna pwe en mi aponueta met kewe mi auchea kopwe fori.

Ika pwe kose tongeni pwarata pwe en mi wenechar non om kutten angang, iwe kich mi tongeni ekeunoi katoun aninis ngonuk. Ika pwe sia ekeunoi katoun aninis ngonuk, kopwe moni sefani aninis en mi angei non ekewe wik kese aponueta met mi auchea ren angangen kutten angang. Pwan napenon, sipwe fori ew atun sipwe katon om kutten angang non ekewe wik meinisin en mi angei aninis.

Kopwe etiwa ew angang ika ra ngonuk anongonong on met om sinei, tongeni me ekoch en mi tongeni fori non angang. Ika ese kon chomong angang en mi tongeni ani ika non ewe neni ke nom non, iwe kopwe anepano om kutten angang. Awewe, kopwe ekieki om kopwe kut angang online, ika non ekoch pekin ika neni.

Kose tongeni kopwe chok kut om angang mine epwe poputa mwach kan. Awewe, ika pwe en emon chon drivini wan chon sukun bus nge en mi asosono pun atun summer, kese tongeni kopwe kut om angang epwe poputa non fall ika angang epwe wes atun sukun epwene poputa. Awateino om kaeo on [Refusal of work page](#) (non fosun Merika) on ach website.

Ifa usun WorkSource epwe anisi ei ren ai kutten angang?

Ofesin WorkSource non Washington state, me kinikinin me chiechian non ekoch state, ir mi chiechi ngeni American Job Center network. Ir mi awora aninis ren angang me pekin kaeo ngeni ren chon kut ar angang me chon kut nour chon angang. Napengeni ekei aninis ese kamo. Ren om kopwe kun meni ofesin WorkSource e kan ngonuk, tota on [WorkSourceWA.com](#) (non fosun merika).

Ika ke nom nukun Washington, kuta ofesin American Job Center e kan ngonuk on [careeronestop.org](#) (non fosun Merika) ika kokori 877-872-5627. Ofesin WorkSource ir mi aora pekin sukun, workshop me ekoch pekin aninis ren an epwe anisuk ren kutten om angang iteiten wik.

Fan ikei ekei tetenin aninis met kopwe fori online ika non fofoun aramas WorkSource mi awora:

- Chekin met en mi sinei non me met sokun angang epwe eoch ngonuk.
- Met kopw fori pwe kopwe kunekun om angang.
- Poraus ren fite meen non ew angang, me met sokun angang chomong aramas ra mochen ani.
- Eiti ngonuk angang mi suk, mokutukut ren kutten chon angang online ika non fofoun aramas.

- Eiti ngonuk ian me fori om apoinmen ren aninis non kutten angang.
- Aninis ne fori ngonuk noum resimei me enisuk ren monetan mwen kopwe feino interview ren ew angang
- Eiti ekoch chon kutten ar angang ren ifa usun ar repwe kut angang.
- Eiti ngenir prokram mine epwe anisi ar pekin kaeo me mecheresin ar repwe tongeni fiti pekin kaeo online ese kamo.
- Eiti ngenir nenien kut mongo, eitir usun nounoun moni, tumunun inisir, imwer, aninis ren met repwe meni ren fifi me konik, me chomong ekoch pekin aninis epwe anisuk atun ese wor om angang. En mi pwan tongeni kokori 211 ren pwan ekoch aninis.

Ngang mi angei tamenon pekin aninis. Met forun kutten angang mi pwan chok wewe ngeni ei prokram? (Poraus: *Tamenon aninis iei ese kawor me non Washington state. Tota won [Benefit extensions page](#) ren kopwe awateino om sinei.*)(non fosun Merika)

Ika pwe a muchuno om we 26 wik ren esor om angang me noum federal PEUC, en mi tongeni nounou Extended Benefit ika tamenon aninis, mi mutata ne napanon pwan 13 wik ren aninis. Ei prokram e kon tichik foforun met kopwe fori ren kutten angang, mi sokona seni met kopwe fori ren kutten angang ren esor om angang. Niwinin om kese aponueta met kopwe fori ren kutten angang mi watte. Ika pwe amasou ngeni iwe ka tongeni nounou tamenon aninis, sipwe tini ngonuk met kopwe fori ren kutten om angang. Anepano om sinei ren porausen tamenon aninis me ifa usun kopwe amasou ngeni on [Benefit extensions page](#) (non fosun Merika).

Kuta aninis ren kutten angang.

En mi mochen kopwe churi emon mi mokus ren an epwe anisuk ren kutten angang? Iwe iei WorkSource ren an epwe anisuk!

Chon angangen WorkSource ir mi tongeni anisuk ren meni kompeni ir mi kut nour chon angang iei non ia ke nom ia, kuta pekin kaeo epwe eoch ngonuk ika anisuk ren noum taropwen amasou ngeni angang me pekin interview.

Iei met kopwe fori:

- Ren om kopwe churi chon ewe angangen WorkSource, a eoch kopwe churir online.
- Ika pwe ese eoch ngonuk ei, ekoch ofesin WorkSource a suk sefan ren ar repwe aninis non foufoun aramas. Ei ka tongeni ren chok om kopwe for om apoinmen.
- Kose mochen tota on [WorkSource's office locator page](#) (non fosun Merika) ren om kopwe kuta met mi kawor ren aninis online me non foufoun aramas non ewe neni ke nom ia.
- Kich mi nuku pwe chon kutten aninis me WorkSource a men watte nupwen foforun met mi auchea a pwan pechekun sefan. Kese mochen cheki [office locator page on WorkSourceWA.com](#) (non fosun Merika) ren om kopwe kuta anan om kopwe churi chon angangen non WorkSource ir mi sinenap non neni ke nom ia.

Kuta non neniom ofesin WorkSource me American Job Center:

Washington: [WorkSourceWa.com](https://www.worksourcewa.com)

Nukun Washington: [careeronestop.org](https://www.careeronestop.org) or 877-872-5627

Ewe Employment Security Department ew pekin mi anono pekueno meinisin ren an epwe anisir. Sokopaten pisekin aninis ngeni ekewe mi wor terir epwe kawor ika pwe re tungor. Aninis non fos ren ekoch rese kon weweiti fosun Merika mi kawor ese pwan kamo. Washington Relay Service: 711